



05500

玉茗堂全集

臨川義仍湯顯祖著

詩

五言律

古意

春澹曲墀滋風輝遥翠時含情望朝日淥嘆在
新知鬱鬱青門道悠悠湘漢期玉壺起行酒廻

詩

六卷

淚濕青絲

九江送王元景之登封

匹馬歲將晏遊人多暮思廬峰天子氣緱氏僊
人祠客夢流鶯過鄉心寒露滋從來深意氣別
酒詎能辭

送華楚客歸夷陵

聞君有期契千里暮能過草綠朝雲宅花深明



月沈春聲逐棹遠江色漾帆多別有啼鳥夜感
琴清怨和

德州逢李道父觀察

太史南河盡朝陽東路行星辰郎位合煙雨嶽
雲平魯酒能香色燕歌到羽聲知君有奇氣長
揖漢公卿

河上送張明府

詩

六卷 二

河朔秋將晚黎陽縣欲花鳴琴當夜色別酒送
年華白髮滄洲遠高歌雲漢斜經過鄴城下自
古欲長嗟

龍潭高閣二首

罅樹紅無地巖簷綠有江蝶花低雨檻聽竹亂
秋窻楚瀝杯誰個吳歌榜欲雙崩騰過雲影滬
滬片心降

真州好風色曉發坐林曛舫艤丹餘圻潭窺翠
欲氛蟬啼秋樹影漁唱暮江雲草閣何曾到蕭
然爲此君

第五子生

誕月多春色彌年得和音功名吾不免兒女婦
能禁繡葆花文重銀錢福字深從來湯餅宴仙
署幾迴臨

詩

六卷 三

送楊安入太原軍

星使三河外春王二月初風雲臨上黨花鳥入
昭餘關近笳聲急川遙騎影虛世途君自見長
嘯欲何如

銅陵

向夕燕支峽遙分白馬耆滄浪荷葉點春色鳳
心知邑小無城郭人懽有歲時誰憐江月影懸

并五松枝

送袁生漢中

君去旬陽道初過明庶風居人緣沔上都尉治
褒中渚葦浮衣碧墟桃引幔紅秦吳千里色流
恨曉雲空

河林有酌

風亭移石竹爲客正開襟宿鳥過殘雨吟虫傍

詩

六卷 四

積陰故心人不淺秋色夜方深便合丘中去相
招鳴一琴

初至江關

朔方空水陸南國自山川夜月啼飛鵲秋風咽
斷蟬宦遊長是客吏隱卽爲仙剩有青燈在鳴

柳上酒船

送歐虞部

秋興君能發詩名衆
以聽登臨人共遠
遙落醉初醒
客鬢過梅嶺鄉
心到草亭遙
遙槎上客知
作老人星

送客避難和州

歷陽江外望亦足小
栩栩翺曉色連雲觀
春香太子泉胡姬初進酒
劍伏晚尋仙未必逢
津吏漁歌起暮烟

詩

六卷 五

送客湘西

芳意自不淺
湘沅蘭未稀
爲君歡欲舞
今日醉言歸
葉下秋生鬢
潮迴月滿衣
相逢問形影
寒塘孤鴈飛

鷺峰寺別季孟陽

幻色餘香細
閒遊去未曾
林塘淒夜竹
河幔隱秋燈
無明今日盡
恩愛舊人能
欲向南朝寺
抽

表施講僧

對客二首

流泉亦可聽風色倍泠泠
去住人難定登臨酒
易醒吟虫過暮雨來鴈響
秋汀祇合瀟湘路彈
碁坐竹亭

多年成散木此日更浮漚
漉酒幽人至吟詩少
婦聽園林開夜色河幔卷
秋星却憶鍾山隱時

詩

六卷

六

時問草亭

寄李少華

關門氣方遠華嶽道爲尊
夜色仙人掌春星玉
女盆琴歌隱洞壑枕席過
河源今日長安客求
仙未敢言

題王逸人莊

金盤河色外石屋華峰西
日氣草熏陌花光雲

映溪空巖人語迴簷窸鳥飛低直置堪長隱東
陂魚稻肥

送蘭道者往天台

地脉連湘曲天台坼海邊來霑清月影去躡紫
霞鮮雲日消春色關山流暮煙靈氣真冉冉虛
此挹神仙

出關至滄州阻風

詩

六卷 七

天路原非遠歸心忽渺然珠人遲泣海燕客負
談天積雨棹簪滯衝風舸纜旋同人深借問舟
楫在長川

江上送張七歸楚

白望縈簪冕清時得芰荷雲霞江色杳梧竹野
陰和世外何妨笑人間忽自歌獨憐湘漢客無
柰醉醒何

送客 歸岳州

楓隱號蟬 忘林開放鷓輕柳煙眠際穩江月醉
餘清夜色 迺湘渚秋陰冷岳城遠憐洞庭水漁
笛與歌聲

過年

華年當此夕兒女足喧闐盡燭延親客長筵奉
祖先故情隨臘盡餘俗過江傳大小須饒醉平

詩

六卷 八

安詎偶然

高座陪達公

一切雨花地重遊支道林雲霞法塵影山水妙
明心境以莊嚴寂春當隨喜深金輪忽飛指江
上月華臨

懷張別駕闌中

別駕清如許還家南部郎雲霞秋色冷松柏晚

泉香縣小金牛路山幽玉女房琴歌春緬邈相憶在東堂

金陵西園作

西園興不極北嶺望如何天影隨長壑山光遶
曲阿杏花春作淺芳草暮情多嘆息荆扉掩餘
霞江上波

送客荆南

詩

六卷 九

鬢絲江海上更逐楚雲西客舍調箏女他鄉織
錦妻桂烟湘水綠花月武陵迷不道王孫草芳
春徒自萋

魯王孫

汶河春草色魯酒夜深情問字吾何有聞詩爾
亦清雨歸青社曉雲起岱宗平別有靈光殿時
聞絲竹聲

江樓送東粵翟先輩

樓上秋風遠城陰水樹微芙蓉低木末暝色上
林霏海燕涼猶拂江鳥靜不飛登臨澹無色還
似送將歸

白水園

微風生灌木落日餘清陰葉卷寒芳盡花虛夕
靄深琴尊無俗意梧竹有清音莫厭高樓曉長

詩

六卷 十

聞猿夜吟

送周叟東遊

淒淒安所適云向岱宗遊海色天門曉松聲日
觀秋封中雲欲起泗上水還流莫作吳門望吾
衰亦孔丘

秋夜入廣別帥郎

江潭殊自嘆搖落未經知昨夜秋聲起相逢慄

悴時園林阻芳色河漢渺佳期起視浮雲氣蒼
梧不可思

將之廣留別姜丈

世事亦不淺幽期常自深風霞餘物色山水澹
人心一尉雲連海孤生月在林悠悠歲將晚隨
意惜光陰

秋發庾嶺

詩

六卷

十一

楓葉沾秋影涼蟬隱夕暉梧雲初晝靄花露欲
霏微嶺色隨行棹江光滿客衣徘徊今夜月孤
鵲正南飛

小金山同陳潯州冷提運送軍府夜酌四
首

偶爾出城郭扁舟潮上時浪花寒雨約林竹莫
煙炊過酒窓初濕鳴舷坐欲歎金山不應小渾

嶺外無搖落江中有暮潮市樓懸入艇山閣倚
縈橋似小金山近無多碧海遙興來江楚客長
得夜聞簫

赤海中流合金山小景開梧雲看暝接桂瘴得
寒迴鶴迥吟隨去鷗輕浣欲來枕榔垂一醉微
月下池臺

詩

六卷

十三

一官能自冷十月曉衣輕水市懸漁影山厨伐
竹聲杯憐柳子細酒得寄生清細雨炎荒外今
朝學送迎

渡羅廟

不到東洲驛來朝南海王虎門燦赤氣龍闕動
朱光銅鼓聲滅漢金碑字隱唐炎池堪浴日今
夕看扶葉

光孝寺

菩提豈無樹天竺有靈僧色與波羅翠香隨簷
蔔凝根芽初佛滿花葉幾人能密意經三遶無
勞問葛藤

南海江

病餘揚粵夜伏檻遶雲煙閣道晴穿屐溪潮夜
出船時時番鬼笑色色海人眠船上兼靈藥吾

詩

六卷

三

生倘自全

出朱明觀

羅浮觀日罷出谷晚蒼涼壑去懸流寂峰過側
影長美雲隨望盡仙草逐行香消息梅花月歸
舟興不忘

戲別冷提運

宦迹他鄉薄生香別署遙翠欹椰子葉紅動美

人蕉酒色寒猶興春心老不銷鹽花金盞裏還
赴粵西邀

別魯司理

目送雷陽外心銷赤海旁壺觴薦潮汐花木送
炎涼桂死何勞蠹蘭生應自妨少年能泣玉鄉
國似南漳

陳潯州

詩

六卷

十四

何自船同夕偏過酒涉旬明珠滄海客春色武
陵人草樹他鄉別風煙一處親清潯好白石吾
欲向棲真

園居示姜緒父

林塘有佳色長日自蕭疎靜覺懷春好喧知闕
世餘夢隨芳樹遠人去落花初冒爾滄浪外何
從爲卜居

送西陽掾

慷慨何爲者悠悠鄉里親
星華五渚濶風俗九溪馴
爓獵隨南客寒泉應北人
黔中美花木知是武陵春

遙憶右武自蜀赴關西

關山渺何處江海一懷人
上路風雲氣初春楊柳津
王孫方去蜀公子正留秦
薄暮笳音起徘徊

詩

六卷

五

徊芳樹新

東莞江望白雲山

霍靡番禺路清山間白雲輕
霄含縹緲叢蒼出氣氳迥接
蒼梧影微銷碧海氛安期留
鳥遠仙館若爲分

平昌送屠長卿歸省

神仙曾作縣君子遂名堂
竹色朝行酒鐘聲晚

隱牀西遊人未老南至日初長那用登芸閣干
秋辭賦香

鴈山種茶人多阮姓偶書所見

一雨鴈山茶天台舊阮家暮雲遲客子秋色見
桃花壁繡莓苔直溪香草樹斜鳳簫誰得見空
此駐雲霞

七月念日移宅沙井八月十九日殤我西

詩

六卷 十六

兒慘然成韻

乍有楊雲宅童烏得幾時未知歌處所先已哭
於斯蘭玉堦何異熊羆夢亦疑遶枝無淚盡不
見舊巢兒

聞梅客生監軍二首

易與官除賊難知虜合圍自公持斧出新築受
降歸按節毫毛落分旗燕尾飛賀蘭山外雪初

拂侍臣衣

叛壘新兒戲降城舊忝胡材堪惟楚有人已謂
秦無池上驄花馬臺中朝夕烏先朝曾用水絕
地見陰符

送古萍歸百丈山

到來都是淚過去卽成塵秋色生鴻鴈江聲冷
白蘋別離心草草珍重語頻頻莫待他生見還

詩

六卷

十七

爲慚愧人

靈谷寺寶誌塔上禮望孝陵遇雨

香塔幾由旬登臨物外身霧迷藏豹谷雲起躍
龍津定水流功德橋山合鬼神冥冥松柏雨曾
灑屬車塵

靈谷寺浮屠憶謝友可少小鍾山之約

畫塔連風雨芙蓉入杳冥藤垂翻雀影松偃掛

龍形法湧無量殿聲飄不住鈴懸愁聚沙處并
作草堂銘

戴師席上送王子厚北上子厚名渾然司
徒北海王公公子也有物表之姿昔人之
度溽雨來辭戴公平生不飲此日連舉兕
爵數度公笑曰吾之邴原也用原字贈詩
命僕就和

詩

六卷 十八

去向青州榻來游白下門蘭言接公子草色送
王孫過雨催驪曲臨風寫綠尊不堪頻北首驅
馬獨平原

與郭祠部公廨避暑

鶉節非闌暑龍光接盛筵北風疑是畫南署陰
非烟凍飲何妨裸彈碁自可傳豫愁長醉後渾
欲水中眠

六卷 終

玉茗堂全集

臨川義仍湯顯祖著

詩

七言律

長至奉慰趙祭酒鄉思

東朝使節舊丰茸
南國威儀盛辟雍
獨嘆芳遊塵蕙幄
偶陪春薦入歌鍾
鄉心梅蕊休爭迸
至

詩

七卷

日恩華且自逢太史
今朝候雲物忍拚仙氣
卽成龍

送何衛輝時喜潞藩新出

帝子新封接帝鄉
何郎新命守河陽
江花碧署年光滿
雲氣蒼梧秋色長
內史未須秦法律
朝歌曾識漢循良
人傳萬乘旌旗出
總爲倚蘭是

送王比部供奉採藥扶侍太夫人歸粵北
部故侍御殿中

白雲司發桂花叢綵袖承親碧海東
潘岳宴林逢令節沈郎行藥正秋風
先抽美草占年樂盛取萑蒲益帝聰
竝道春祠惟坐嘯也能符遣及花驄

巳丑長至奉陪王趙二宗伯齋居有感

詩

七卷 二

侍從當年玉佩分長陪鍾律報天文
南遊爲占春曹日北望還書太史雲
燭殿星華流宛轉鍾聲氣接氤氳
微臣自結迎祥履何限金門奉聖君

懷帥惟審

帥行山陰有萬壑千山賦

徑千山興有餘仙人署裏賦樓居只教卧病
甯中酒莫道窮愁欲著書煙月西湖人唱晚山

川南國雨晴初相思兩地無相識待向濠梁一
問魚

池陽余立雲小時是尊吏部君請爲之字
以詩問予復有漢祠官風味香答之

山公臺榭卽逢君愛汝能飛字立雲秋浦兼葭
人自遠春江桃李思難分芳尊幾借清韶色妙
墨傳看錦繡文爲道碧鷄光影在漢宮誰許洞

詩

七卷

簫聞

北安門曉望

萬里神臯接帝丘祠郎齋祓奉春秋太壇帷幄
天臨幸高廟衣冠月出遊雲氣早飛僊蹕路羣
河還向御溝流皆知北極朝宗美猶望南巡燕
鎬留

再寄帥思南

供奉園陵五薦新
祠郎初占曲臺春
也知歲月能高隱
無柰心情厭襍賓
湖海浪談天下事
湘流還是眼中人
何年對汝歌聲出
金碧岩前醉幾巡

龍雲卿花燭詩

江海晴雲接帝鄉
曲臺今夕倍年光
恰逢鳴鴈朝陽滿
並對熏爐夕艷長
婦出繡衣門下史
子

詩

七卷

四

當青髮侍中郎
不知池上鴛鴦影
宵向仙臺學鳳凰

送王侍御以論取公歸蜀侍御故吉州人

自是安成舊世家
偶隨雲物映三巴
吳兒自愛彈文好
楚叟新知物論譁
盡舸江連巫峽雨
繡衣春作錦城花
君恩未報難高隱
剩取餘冠氣

觸邪

至日聞聖主深居有感

雲物徘徊宮殿閒
祠郎簪笏侍僊班
飛灰蚤覺微風應
聽樂親知淑氣還
萬里神光分泰時
長年子夜接鍾山
南都至日逢南至
傳道天心欲閉關

送杜給事入都歸觀

載筆何年侍省闈
殿庭今日奏戎機
簪裾曉送

詩

七卷 五

風雲積旌旆
晴開雨雪稀
洞浦花明人映發
曲梁春滿鴈歸飛
祠郎薦玉君須入

赤旂

送黃侍御出遷東粵暫歸洪都

侍御以諭
王弇州行

滿歲原知出帝鄉
誰言卽餞此年芳
春開積雪

歸鴻滿花入暗湖
泛鷁長仙井
煙霞迴柱史
梅

關消息到韶陽
高冠繡服堂堂去
恨不留臺竟

羊
夏至齋居理樂感鶴奉教有述

清卿院宇竹梧寒金奏泠泠聽未闌每嘆獨留
玄鶴影何來雙飲玉池瀾非關聽樂臨涓水爲
許齋心拂漢壇况復自公多氣色羽儀今作袞
衣看

送伍大儀入都大儀舊知澧州是年冬虜

詩

七卷 六

入鳳涼

南國山川照夕曛茱萸綠酒坐氤氳烟波似惜
湘沅晚閨閣新愁河漢分喜見天王朝十月驚
看太白下秦雲江臯幾片閒秋色并與登高一

送君

送越客

陪郎真得省朝桑年少相過不厭談東署泛尊

深月色西山別袂影晴嵐花枝路轉丹陽郭薰
草春窺越女潭爲報倚門人漸老不應遊子滯
江南

送京兆郭公

公以立春日北
徵歸闕觀省

青陽雲出映風津少尹行春始立春正說舊都
遊鳳好何言芳樹聽鶯新南臺再出封章遠吏
部曾窺水鏡親今日掄才向邊急西征還擬太

詩

七卷

七

夫人

懷路鞏昌汶上

僊郎賞勝逐年新猶記登臨送入秦幸好蒼黃
逢吏語那堪衰白障胡塵尚書起第人原重太
守還家自不貧最是湖南盛花柳烟波并作汶
陽春

送饒太醫歸東邑

涉江初唱越人舟別騎三山接勝遊梅雨潤移
江闕曉麥雲新拂漢祠秋衣冠署牒逃名得洞
壑迴春採藥留見說家園能樹果年年仙杏許
人求

元夕送吳叅軍上九年計

已逢人日勝於人倍賞花燈有百輪
砥道吟歌
饒伴侶可堪尊酒寄情親垂來定不叅
卿老再

詩

七卷 八

入纔知久宦貧獨恨金臺醉公子留君真欲度
餘春

送史德安

同年年少卽推君才地爲郎出守郎列郡鎮珠
連大澤高齋倚蓋動浮雲江邊歲月虛流賞漢
上風光好寄聞獨有玄湖秋色苦擘蓮時候與
君分

送吳竟父西歸過運司伯子

蒼兼白露滿秦河年少芳樽玉樹歌別館春情
隨夜盡曲江秋色聽潮過吳儂未斷迷香徑海
賦能添出素波爲到故園梅色蚤可堪青髻客
愁多

奉答朱方伯

青谿蓮社昔繽紛蘭署風流說使君蜀漢蚤廻

詩

七卷

九

清鏡雪秦關數候美人雲虛開貴竹移高榻爲
想平苗借檄文今夜籬門秋色苦懷人高唱月

中闈

送顧郎中北上暫歸省長洲

愛子凌波已十年爲郎白首向江天家風自種
僊臺藥鄉俗能歌相府蓮乍可迎涼歸茂苑徑
須度暑入甘泉臨岐况屬天長節斲好朝晨玉

連

送趙舍人出守永昌追憶楊用修太史

永昌前宦蜀多賢都尉行邊復少年濁世幾逢
公子俊名家偏着貴人憐歸心片峽飛明月吏
迹連江洗瘴烟知到南中問流寓家家能說子
雲玄

送程中舍還朝

詩

七卷 十

薇垣清切羨中書鳳詔啣飛得自如別路幾逢
花樹密宦情真覺酒期疎江臯曉色侵行佩河
漢秋星轉使車爲報太常能吏隱葱陵長對碧
窻虛

大樓僧真這

銅陵山北九華西秋浦風烟似會稽入座但知
遊褐履卷簾誰解對簪珪新叅漢時神光滿舊

看花城佛影低爲憶年時歌吹晚月明乘醉下
青溪

問薛太學近洙

歸去橫林動一年薛君章句與誰傳經聲隱雨
初移榻樹色籠晴欲放船未許過家營外宅應
須對嶺矚新田清秋茗椀差饒興爲寄蘭陵石
上泉

詩

七卷 十一

送熊茂客從汝歸臨川

面城新宅柳從遮綠竹池塘望汝家江上片帆
懸夜色水西春服淨雲沙榮華欲讓他邊樹因
果難分別種花爲寄橋門諸父老肯容陶令說
栗麻

送方比部北上

念年詞客幾追攀衣繡居然傲白鷗往往開帷

臨笛渚時時拄笏對鍾山生波片席迎潮去積
雨千林送客還同作南郎清讌少知君留待紫
宸班

送劉祠部視學南中

漢渚孱陵路不迷平夷秋色倍萋萋須過列郡
開神馬未許祠官問碧鷄文物自連交海北鄉
音半逐楚雲西諸生盛有談經典無事相如到

詩

七卷 十三

若溪

戲李季宣

生憎一宿盡蘭撓官裡除身出董嬌着綻新衣
寧惹妬教成舊曲整看調菱花似月嫌雙笑柳
葉無風愛獨搖見說傾城難再得須拚弱草併
纖腰

送楊武選入都

定擬蘭尊逗夕曛那堪離思卽氤氳鄉心半入
湖陽鴈春氣初深河岳雲自有恩華臨上苑幾
番精色動南軍請看扶道青楊柳賓從紛紜一
送君

戲贈梅禹金

藕花秋冷菊花殘惹盡垂楊興不闌上客向歸
留佩語美人抽怨入琵琶山中月色忘懷易水

詩

七卷

七

上風心欲寄難衣帶到家應減盡還誰先得抱
腰看

送李于田吏部北上

微波木葉自繽紛雁影離心江上聞澹蕩平臺
過淥酒青葱別署有玄文遊吳竝道人如玉入
洛懸知客似雲爲笑芳林恒獨賞明年春色會
思君

臘憶王道服南海

露冕曾當日觀峰繡衣風色起吳松江邊折柳
春難寄隴上題梅使不逢正朔臨臺青鬢遠長
年泛海道心濃祠官大有清齋日爲報鍾陵紫
氣重

送饒司理順德

伯宗故於予不淺
各亢壯別去悲之

十年棲遶月明枝一日春粧葢樹奇厚祿久無

詩

七卷 十四

堂上老長貧多謝里中兒空思幅被通寒夏浪
擬緘書有歲時定過邢臺悲豫子聲音偏合友
人知

送來黃梅

燕雲如馬去江黃醉裏籠鞭點驢撲鬢柳花
吹雨色燼衣蘭草襍風香潛廬半入吳都盡江
漢遙分楚塞長爲過蕪城須縱酒此中幽恨卽

難忘

贈趙司理池陽

關霧晴開山翠微
風塵笑拂行人衣
吹絲碧草蝶搖映
點樹蘂花鶯亂飛
客子燕歌思獨苦
美人趙璧傳相輝
歲華隨意有春酌
江上芙蓉歸不歸

送劉貽哲出餉宣府因携少婦過汝南歸

詩

七卷 五

華山續婦

懷人促別思紛紛
錦帳青臺醉欲曛
雪唱白傳孤鳳曲
陽和初入九龍軍
春歸草色雙嶠雨
家住芙蓉半岳雲
獨恨汝南劉碧玉
也持西笑逐夫君

劉君東下第歸五言

萬里乘春幾度逢
每逢相見不從容
燕臺自說

空羣馬僂縣何當起二龍風定擣砧催木葉月
明歌棹倚芙蓉看君未有清寒色湛露零空酒
正濃

和答帥思南

春鶯出谷草萋萋關右傳書喜欲迷東箭晚隨
霄漢北南冠今滯夜郎西叢臺氣色連滄海溆
浦風烟接朗溪具道故人能鳳舉那知郎吏欲

詩

七卷 六

鷄棲

送張蓮濱曲周

張君霽川人其尊
公名御史大夫也

白蘋風色起吳中僂令飄飄赤縣東醉着幅巾
宜畫史閒抽寶瑟付青童漳河樹影邊陰盡碣
石蓮開海色空便合政成歸攬轡漢家知有舊

乘驄

答君東天津夜泊

津館蒼茫別未曛，滿簷秋色爲思君。
風生積海連山霧，月落長河半樹雲。
欲睡動尋千日酒，憐香真惜十年薰。
如何咫尺關南道，只似江空與鴈聞。

聞蘭谿令謝客戲贈

積阻風霞滿大鄆，河橋春色迸垂楊。
桃花片峽迴龍影，蘭葉深溪飲馬香。
日氣遠銷金碧路，風

詩

七卷

七

光半在紫巖鄉，從來僂令多遊覽。
漫道鳴琴不下堂。

書郭武郎畫扇

冰雪汾陽下，越鄉幅巾春。
雨憶遊梁曾從粉，暑移僂尉似借籌。
邊入武郎珠客淚，綃分海色玉人裁。
素寫秋光愁予獨唱高齋夕，月露風多河

漢長

送林廷任之進賢便歸閩省

神君出宰謝林巒
鼓角乘秋入建安
待唱白華留客醉
卽看青雪照人寒
江聲暝合風雲路
縣影晴分日月灘
莫便河陽嗟宦拙
爲儒初着進賢冠

送劉子極歸餉蘭州

劉生西笑出蘭州
餉道封軺卽晝遊
鴈勢連雲

詩

七卷

六

侵岳影蟬聲隔樹
見河流龍門泛雪
誰邀賞騎省吟秋
我獨留生長羌中
慣橫笛落梅疎柳
詎關愁

于中父餉薊邊便歸金壇

雲陽僂吏玉青葱
泛酒蒸桃不再同
少府金錢行餉北
長城旌吹護歸東
秋山馬色河流外
古戍蟬聲木葉中
日近薊門邊候遠
幾人長劍在

崆峒

送周鄞縣

座師余相國家鄞也君便道歸湘潭省其兄方伯殿中君

秋盡明州見海槎郎官星裡帶長沙並遊蓮府
看偏入暫向薇垣去莫嗟谷口鳴騶開積霧潭
心側棹倚輕霞佗山一種河陽色并是清湘棠
棣花

送王當世理台州有懷天台勝寄乞縣不

詩

七卷

九

果偶及

帝城風彩日飄颻君向中台躡絳霄避暑早辭
河朔歡迎寒初下潤陽朝春旌氣色溫陵近秋
筆風霜海國遙肯借章安容岸幘不妨吟望赤
欄橋

蔣蟄父宜春以文履繡胸留別却謝

出谷鶯啼思上林美人持贈惜離心雲鳧朔映

文章重瀉波開彩翠深
平楚風煙銷別酒宜
春花柳待鳴琴知君盡舫歸朝日長聽潺潺瀟瀟
綠陰

寄馬長平理廬州

登高送日海雲東
鳴鴈秋生碣石宮
小吏廬江看執法
諸侯泗上待趨風
鄉心欲賦梁園盡
別騎纔嘶漢苑空
不惜放歌今夜好
與君千里月

詩

七卷 二十

明中

虞惔然在告

瑤瓏浮闕定星光
河漢風清有法章
秋水斲移新釣舫
藕花洲拂舊荷裳
心深不減三年字
病淺難銷十步香
剩有閒情堪弄月
西湖竹色未應涼

送李蔚元扶風

玉華僂李種原竒
曉映河陽花樹枝
物色舊逢關令語
扶風新許漢庭知
秦中過洛歸非遠
臘裡逢春去莫遲
獨嘆文園多病客
茂陵衰草欲同時

送王正之宜陽

王郎家世出河汾
似湧龍泉氣不羣
晉代衣冠逢妙日
洛橋車馬候晴雲
春光拂綬何年會
曙色

詩

七卷

三

色御杯此夜分
珍重城南舊分陝
百年棠樹正氤氳

送王淑父理廣平有懷馬長平

輕拋少室踐雲除
見說衙齋好讀書
物論幾年推蘊藉
宦情今日喜蕭疎
人行涿野砧聲外
雁繞漳河木葉初
蚤晚邯鄲應駐節
馬卿原愛葡萄如

送長沙易掌故

秣陵煙雨片帆收
燕子江邊一醉遊
白石滄浪隨意晚
青莎襍樹幾人留
星光夜發長沙渚
雲氣春銷古玉州
舊愛楚騷應暫掩
由來此地易悲秋

送沅州衛叅軍懷討辰州帥思南

叅軍萬里赴沅辰
玉井丹砂與護身
人吏到州

詩

七卷

三

看漢節鬼方爲市
有鄉親黔陽太守徵書晚
徽外書生碧草春
卧向武溪殘笛裡
始知爲棗更宜人

懷姜宣城并贈馮易州兄弟

春遊曾入謝宣城
見說馮家好弟兄
閣道飛霞延夕賞
水陽鳴雁送春聲
久無長袖能留客
暫有高歌可和卿
幸好燕昭舊池館
幾人來去得

攀荆

送朱應春平湖

御溝垂柳餞金羈年少爲郎事事宜醉倚蜀絃
歸去晚閒歌越棹放行時春開雨氣隨龍母秋
盡煙光識島夷取次花邊一留賞君看墨綬已
如絲

送盧少從馬平歸東粵

詩

七卷

三

難將試劇比投荒二廣風煙似一鄉雪署送歸
歌宿莽風津奏發傷垂楊沾衣海色昭潭盡遠
騎春光鬱嶺長會見府朝收迹遠握中懸璧自
生光

送林志和巴陵

棲鳳城南散紫氛雲陽宮北蚤離羣晴拈碧草
占春色醉濕青裘動海雲梅嶺襟花催漢吏紫

壇芳月映湘君清清最愛滄浪水風定漁歌入
夜聞

送陳仲道餉延綏歸嘉定州

司馬西遊賦筆閒相將蜀道出秦關鄉心歷落
焦原上河色蒼茫斷磧間騎影甘泉魚乍躍塞
雲高館雁初還海棠香盡歸休晚解道峨眉嶠似
遠山

詩

七卷

十四

送陸震卿大行祭韓藩歸吳

碧海初消玉樹煙陸雲風色最泠然玉人素帔
東堂會帝子珠衣北地傳隊露盤中開日影款
冬花裏送春年星軒到處堪留賞莫負周旋路
八千

送李獻可賣馬價薊門便携家歸華山

李君同是沈几

軒先生門人也

休文池館映青衿每話三秦動我心騎省晝移
宮樹綠客窻秋夢岳蓮深佳人竝操歸鴻曲國
士先馳買駿金爲過薊門東掖望馬蹄冰雪正
難禁

送李明瑞歸華州因餉兵寧夏

來去家門路六千朔方還寄華西偏春風旅鬢
臨邊草夜雨歸心染岳蓮宅近關門宜謝客國

詩

七卷

五

留郎署足棲賢還朝若問鳴沙戍自有秦陂漢
渚泉

送楊太素中書出祭趙府

春官玉節付羣才獨遣楊修鄴下來襪被自留
琴客語離筵偏爲酒人開梅風曉角催寒送花
月春帆截浪迴見說趙王能好易相過應不話

叢臺

和答南城梅公

紅泉碧澗舊仙壇，曾盡梅真幾日權。
城闕署歸春醉晚，石門人去鳳飛殘。
山中月氣清蘭佩，河上風流映竹冠。
獨道丹青能長價，十年初入漢祠官。

送牛光山暫歸涇陽

嗟峨西嶺映參差，小坐高鶯出欲辭。
獻歲客殘

詩

七卷

三六

同署曉兼春人憶，踏花時池陽荷鍾分。
新雨煙水橫，琴寄晚颺。仕宦向來多曲折，
君心惟有直如絲。

奉懷羅先生從姑

杖底山河數點煙，真人氣候鬱羅天。
蓬壺別貯生春酒，京洛傳看小字箋。
鶴淚月明珠樹裡，漁歌風色杏壇前。
也知姑射能冰雪，誰道汾陽一

窈然

送譚侍御歸茶陵

侍御疏閣中故有絲綸簿爲大瑞竊去觸當詔

旨切責問出何記御史臺爲言竟謫歸

惠文冠影正冲飛自點秋霜拂繡衣江漢有人
雄畫省絲綸無簿愧黃扉遙帆半落湘雲盡疎
磬全分嶽影微不道清時容卧托草堂猿鶴似
依依

詩

七卷

七

送伍給事謫萬載丞

年來清奏出陪京每向秋江送客行給事舊從
關令尹爲丞新失漢公卿星通百粵蠻差少地
接長沙濕較輕自是世情能物色不妨黃綬去
逢迎

江上逢龍使君話沅辰事有嘆

繡被同舟可柰何萋萋吳楚舊經過秋風北固

留長嘯夜月南飛
入短歌涉世始知愁
宦拙過江真作苦情多
深杯莫話壺頭事
浪泊廻鳶看伏波

送魏光祿便過歸覲

光祿前爲侍御
時哭其弟茂權

幾逢清論得深過
爲喜遙遷柰別何
子舍春懷難自淺
人琴秋恨不宜多
青驄氣色連三署
鴻鴈風聲隔九河
盡道太官無可獻
梅羨今日在

詩

七卷

六

調和

聞姜別駕守冲遷守不知是瀆是貴問之
姜君前戶部郎以忤江陵相謫

潮落錢塘秋雁飛
荆南遊子露沾衣
爲郎白首遊湘岸
別駕經年在海沂
似向點蒼分雨色
可當金筑散晴暉
知君不似南中估
要使人知漢

吏威

送王可大遂昌

鳳起吳閭向越飄，折風高闕映峯堯。郎官墨綬
纏星氣，僊縣蓮花背海潮。琴曲夜聲雲母碓，農
歌春影碧欄橋。看君瘦骨能輕舉，爲候飛鳧入
漢朝。

送葉鹿吳明府

君家名德稱清華，此縣幽竒似永嘉。僊令出關

詩

七卷

五九

分雨露，才人作伴領煙霞。疎山月落晨趨郡，福
水雲深晚放衙。風俗舊多遊女思，不勞城上更
栽花。

寄右武滁陽

奉常東署黯離居，賓從逢君興有餘。夜館聽歌
迴騎曉，春城中洒落花初。山當拄笏時看馬，客
過濠梁獨羨魚。最是隔江楊柳色，鄉心那惜數

行書

送黃觀察雲南

觀察鄉親
多南中賈

北門都水歲清寒萬里南雲映法冠
乍許鄉間來問俗獨憐妻子不之官
秋山月落雲旗出絕徼花當露冕
看見說南中稀酒米數杯行色爲
君寬

赴傳觀察宴先向西城夕眺

詩

七卷

三

新權折簡赴西城戶屢猶虛左席
迎暫去樓中看夕影颯來池上聽
秋聲山光積翠晴猶拂露葉流珠
晚更擎月出定知陪一醉恰留懷
抱與君傾

約謝吏部先九日同令弟友可伍山人仲
元造池上

謝郎高卧聽西池樓外風翻滴露枝
道有山人

能勸酒不妨家弟一圍碁三江白雁來何蚤九月菜萸興莫遲正恐登高見籬菊落英先發楚臣悲

新歸偶興

越江初服映春絲深院爐香隱几時雨氣夜薰青茵出煙波晴浣白鷗知道遙正自投窮髮混沌何須與畫眉最好東陂事田作農歌幽谷遠

詩

七卷

三

相宜

雷陽初歸別樂少南文學文學故從其大
人之燕歸青雲峰讀書談予所居北垣廻
武曲東井映文昌爲勝漫云

偶然橋外直星文萬里春銷瘴海氛有客聽歌
來淥水幾年相見在青雲芙蓉小築秋將老菊
蕊孤尊暝欲醺却笑黃金臺上客汝家那得望

諸君

約造謝家池不果高卿便有和作復次

前韻

何曾一造謝家池
想象黃花發幾枝
漸老荷香須送酒
兼清竹所隱彈碁
落葉夜催蛩候蚤
遠天晴覺雁來遲
登高發興尋常事
未必山川使我悲

高太僕九月三日天水姬生第八子戲贈

詩

七
三

沙井熒熒映子星
時維九月自生明
春秋興欲來高子
遲慕心知有趙卿
秀發芙蓉人就館
清歌子夜月臨城
香杯正滿東籬菊
爲看成林桂樹清

八日謝家池宴二首

已覺秋光滿戶庭
芙蓉一朵正清泠
簾前夕照煙霞紫
座上林霏帳幙青
袖拂暗香荷葉徑
杯

搖明月水心亭不辭爛醉黃花枕明日登高也
似醒

莫悲桃李散春煙且向西池學採蓮客興浪隨
碁局點秋香那惜酒杯傳花開木末紅宜笑鳥
下波光白可憐是好登高趁明日遠山洲渚正
晴天

九日城樓宴卽事

詩

七卷

三三

菊花高節晚相邀靈谷紅泉氣色遙睥睨東樓
連桂館軒轅北斗正星橋金燈映月寒猶薄紗
帽臨風興欲飄歲晏崢嶸一杯酒恰逢搖落聽
吹簫

小閣

新秋小閣淨炎氛徙倚歌聲隔岼聞郭外青山
纔薦爽坐中芳草莫辭薰煙空雨色搖斜日江

迥芙蓉度彩雲
竟日淹留那不極
白鷗秋水正爲群

西陵夕照

紅泉碧磴舊追攀
臺榭參差金石間
海色乍收天外雨
晴光忽動水邊山
清秋積翠雲霞淨
盡日幽芳歲月閒
爛熳樽前隨意晚
欲乘明月弄潺湲

詩

七卷

三

送何生海寧僧歸寄青陽諸弟子

懶向平昌一放衙
昏朝隱几是雲霞
何妨客醉僊人館
只似僧來施主家
獨夜月中思桂子
幾年江上數蓮花
春光入坐能多少
未必扶風冷絳紗

送於掌故宰彭澤

香爐晴色映江關
鹿洞花深講席閒
望氣可能

逢令尹折腰須是向人間經知彭澤天多水坐
厭平昌月滿山向後登高一壺酒不知叢菊幾
回班

送周掌故遷掌寧都教事歸千越與彭澤
於明府同西

平昌紫閣映青牛石碓雲春夜幾秋拜命喜同
彭澤宰之官能得故鄉遊雙江雁泊凉初起七

詩

七卷

三五

月驪歌火欲流曾過寧都美風物此中多桂近
炎州

麗陽十憶

翠潭

括蒼蒼色正江南下有嬋娟百尺潭似與空明
沉翠碧應開倒影映晴嵐寒餘洞壑生煙渺雨
過墟原暮色含獨嘆待臣青鬢晚春衣點染思

何堪

青室

曾羨軒轅架玉臺
鬱葱佳氣與徘徊
簷楹舊向垂蘿密
戶牖新從鑿翠開
便學東華流霧靄
何如少室倚莓苔
生香更借芝蘭色
天影空青許看來

桃源

詩

七卷

三六

括蒼山裏一桃源
似楚桃源較不諳
春色也知浮澗曲
美人還似憶湘沅
不知晉世今何得
欲向天台未敢言
蕩漾東南好溪水
折腰終此寄

田園

竹嶼

也無孤嶼似江心
祇是崔巍寄碧潯
箭竹迴臨星瀨曉
括蒼分與麗城陰
春如鼓吹山明翠
秋

似瀟湘水氣深曾住縉雲古僊子此中長嘯鳳
凰音

棊石

東溪一枕隱飛湍青碧棊床水面安色映湘靈
閒弄好韻深方響欲浮難波間激玉清誰訴洞
裏流泉冷自彈日暮更爲金石奏迴風吹作水

僊寒

詩

七卷

三七

釣磯

一片清寒大好溪好溪真有釣魚磯應須咫尺
通嚴子只似尋常在會稽莎苙雨飄垂柳舸釣
絲春惹落花泥無緣更直江潭客白鷺時飛到
竹西

虛廊

小小逃虛向赤霞連廊千步亦無涯簷前細韻

山寮竹檻外長飄水碓花四注空濛雲下宿一
方清冷月西斜深歌響屐曾誰到來去蕭蕭說
暮鴉

響瀨

溪惡何須到永嘉高灘勢作鴈行斜崖泉隱枕
吹寒碧山溜迴春吐紺花避暑煙雲流漱玉人
秋風雨帶鳴沙蕭疎靜日松濤起長似高齋聽

詩

七卷

三六

煮茶

峭壁

增城大壑幾曾逢積翠搏空此路重插地似應
連海影垂天真欲礙雲容晴籠薜藋朝煙澹溜
折苔班晚氣濃咫尺飛禽不來往何人面壁正
東峰

峭巖

海上歸雲下石帆
嵌空留此夜明巖
幽生洞壑愁龍語
迴轉餘花覺鳥啣
倒影暫能熒翠碧
迴風長似入松杉
闌干溜迹封苔遍
道有天書在玉函

玉茗堂全集

詩

七卷

三



玉函影番天真欲礙雲容晴籠薜蘿朝煙澹澹
空此路重挿地似

風長似入松杉
闌干溜迹封苔遍
道有天書在玉函
愁龍語迴轉
餘花覺鳥啣
倒影暫能熒翠碧
迴風長似入松杉
闌干溜迹封苔遍
道有天書在玉函

